

Van dem Sacramente der Döpe.

werden/Darumme schal Godt vp solcke syne tho-
sage ernstliken angeropen werden.

Ock schollen de grauen lude vnderichtet wer-
den/dat de Döpe solcke grote gäden mit sich brin-
get/dat ys/dat Godt des kindes beschütter vnde bes-
scharmer syn will/vnde sich des kindes annemen.

Vp dat ouerst de yennen de dar vimmehér
stan dyth bedt vnde wort in der Döpe vorstan/so
yffet gudt/dat me vp dādesch döpe.

Ock schollen de lude vnderwilen vormanet wer-
den/wenn me van den Sacramenten prediget/dat
se ere Döpe bedencken / vnde vnderichtet werden/
dat de Döpe nicht allene bedādet/dat Godt de kindt
heit wille annemen / sūnder ock dat ganze leuent.
Vnde dat also de Döpe/nicht allene den kindern ein-
teken sy/sūnder ock de olden thoreize vnde vorma-
ne thor Bote / Wente de Bote/Ruwe vnde ledt/
wert dorch de waterdöpe bedādet. Dar by schal ock
de Döpe den louen erwecken / dat den yennen/ de
Ruwe auer ere sūnde hebben/de sūnde affgewas-
schen vnde vorgeuen synt. Wente desse Loue ys de
vullentamen Döpe.

Van dem Chrisma edder Kresem/schal me
sich nicht hadern. Wente de rechte chresem/dar alle
Christen mede gesaluet werden van Gade sūlwest/
ys de hillige geist. Also me denn list Esate am ein
vnde söstigesten capittel/vnde tho den Ephesern
am ersten.

Van dem Sacramente

des līnes vnde bloddes des Heren.

Van dem